

是太陽之精得金之光也必得佩金紫高位之像也

藏章故本

太真科曰為人奏章竟後諸小章復鑪畢即卷付函中齋出別舉諸大章一時取之舉錄如法若應燒者復鑪於案前燒之若在他處奏章將還與首題署人錄本緘封不得泄露蟲鼠及貨易取利違太上勅命章中有真官位號神鬼姓名靈祇祕訣並在章中不可洩辱章皆有正本傳寫今精校定分明不得輒用故本事狀不同請官舛異俗人家不得留故章本違犯五刑論

斷章法

太真科曰上言謹案文書臣以某治法位依法修行宣揚道氣請召真官敕護萬姓所奏章表應燒者燒不燒者緘封籍閣卷束積多法不得散恐蟲鼠所犯漏濕爛敗有所遺落從來謹遵不敢違旨即日依科隨期斷真自某年月日時至今年月日合有若干通今於某靖壇淨處火化煙通升雲降氣布吉除

凶謹請直使正一功曹治中虎賁威儀鈴下伍伯各二人校尉十二人功曹主簿幹佐小吏金童童子各五人中部章督郵從事使者各二人同時監臨對共料省焚除塵故採納光新原赦臣某愚短不及之愆乞前所印寫永登天府後所奏聞悉免寒池諸官證明獎助有功依都章言功不負效信恩惟太上云云斷章通數不同凡時有豐儉法有行藏藏時少行時多計滿百通為斷如前文每年至十月為斷也

要修科儀戒律鈔卷之十一

要修科儀戒律鈔卷之十二

三洞道士朱法滿編

飯賢緣第一

夫聖教興道風著賢人出聖德隆感應之理既彰飯賢之儀見矣

太真科曰家有疾厄公私設廚名曰飯賢可請清賢道士上中下十人二十四人三十人五十人百人不可不滿十人不足為福賢者廉潔亦能不食食亦不多服餌漿藥不須厚饌是世人所重獻之崇有道耳此時應須立壇先三日清齋後三日言功賢人身中多神故饒之德重故厚之食以飽為度味以適為期供食一如齋食不得葷穢犯者五刑論客月以經三請不可條名貪腴之客不可數啖天廚其科中委細十以上紙今人不多為此廚事故不具抄耳
玄都律曰三會吉日質對天官教化愚俗布敬功德使人鬼相應而有雜穢者殃及後世主者罰筭一紀
律曰正一左右平氣以上一人當七人望立

治道士一人當三人諸佩錄吏兵以上一人當二人更令童子二人當三人散民一人當一人人生男上廚生女中廚增口益財下廚律曰道士為人解廚須擇大德之人善心者不用惡逆無禮之人解不得福違律罰美一紀

律曰夫為廚客一時來不得參差坐並皆心存太上善心不得語教生咬漁獵捕之事違律主客被考病三年

律曰若道士為人設廚時客前燒香不得掌穢違律考病百日

造殿堂緣第二

夫立善方假憑慈力取證因果要藉信生功德著於因前妙因彰於來劫者矣

太真科曰俗人能施散家財造治堂精室一間九屋賜小笑百二十三間三百六十笑功多美多大戒經云建立靖觀今人代代門戶高貴身登天堂飲食自然常居無為施一錢以土皆三十二萬倍報萬錢以上報不可勝本際經云大梵國王國中大旱轉經得益乃

於國中造大精舍本相經云清和國王崇信道法建習仙觀及習靈七政二廟本記云周康王時文始真人結草為樓觀占星候氣真人得道後周穆王欽尚遺跡重葺屋宇號為樓觀焉并為真人建廟立祠秦始皇三十一年又於真人南置老君廟本傳云漢武帝以元封二年正月甲子上嵩高登大虞石室起道宮使董仲舒東方朔齋潔思真

念道緣第三

夫道妙難階寂而莫測虛而能出用而不窮五念彰於聖儀一心通乎真相者矣

道典曰子常念道亦念子憂患思道疾病思道貧賤思道窮困思道飲食思道入山澤思道涉江河思道常行思道與子并道之所出萬物皆生萬神皆成無所不榮亡道須臾身入八冥因緣經云念真心不違忠信不志言供養諸道德所生無艱難又供養好道德齊戒見真王靖念心不懈七祖昇天堂妙真經云道人圖生蓋不謀名衣弊履穿不慕尊榮宵中純白意無所傾志若流水居若空

城積守無為乃能長生道者一也人能知一明如日不能知一土中出道無取正氣自居道無去邪氣自除此非構柯鬼神之道也握之不足於手縱之布溢四海學生者生學道者道如人墮水知泗者生不知泗者死未病者易為醫未危之國易為謀不好道之人存念各別鷄鶩高飛志在苗禾鷄鶩高飛志在陂池鴻鶴高飛遊於太清之域往來九州棲息八極乃得其所也此二鳥憂喜不同其志各異而各自謂為得其所願也故大水之淵神龍所居小魚走出高山深澤虎豹所樂雞狗所惡故規矩不同百姓心異是以為道者損聰明棄智慮及真歸樸遊於太素輕物愒世昭然不汙喜怒哀樂不嬰於心利害不接於意此大聖所體行也老君禁戒經云夫積德成王積怨成亡積石成山積水成海不積而成者未之有也積道德天與之地助之鬼神輔之鳳鳥翔其庭麒麟遊其郊神龍宿其沼故以道灌天下天下之德不以道灌天下天下之賊堯舜以有道昌桀紂以無道亡

殘穢錄第四

夫神氣清虛神靈所守身心混濁邪來害人入靜思真要須防患不履眾惡吉祥止焉

玄都律曰民家穢汙不過晦朔不得入治哭亦三日穢三年之喪未滿百日不得入治禮拜奏表章書違律罰奠一紀又云違師主父母大喪三十日穢不得齋章過三十日外限滿訖洗浴燒香違律罰奠二紀

律曰太一極法道士女官無穢穢哭亦不穢穢佩籙唯著身不用去脫他人

律曰道士女官被陽官牢獄繫閉出放皆應香湯洗浣解穢三日以後得入靖治禮拜違律罰奠一紀道士及女官私被陽官杖罰瘡未差未滿三十日不得入靖治禮拜呈奏違

律考二十律曰帶籙不得入穢穢上酒即無忌諱

黃籙簡文曰奉經威儀常使身香潔芳盛以招真氣不得入濁神靈蕩散考由太清曹若履穢氣考由清天曹三元品戒曰常以正

月十五日七月十五日十月十五日平旦正中夜半三時沐浴身形五香自洗臨沐浴時向南以金杓迴香湯東南左轉三十二週閉眼思日光在左目上月光在右目上五星纓絡頭上五色之雲而繞一身青龍白虎朱雀玄武獅子白鶴羅列左右仙童執巾玉女散花飛仙乘騎侍衛身形便即叩齒三十二通祝曰

天澄氣清五色高明日月吐輝灌我身形神津內盟香湯鍊精光景洞曜煥映上清氣不受塵五府納靈罪滅三徒禍消九寔惡根斷

絕福慶自生今日大願一切告明身受開度昇入帝庭舉仰咽氣三十二過止便洗沐五香沐浴畢冠帶衣服又叩齒十二通祝曰五濁已清八景已明今日受鍊罪滅福生長

與五帝齊其上靈便出而入室依法行道自然訣下曰經汗穢不沐浴一則多令病害二則示民知清濁三則神鬼不為通靈四則侍經真官計罪五則人見交不恭敬三皇經云自解穢祝曰

吾以日洗身以月鍊精仙人輔已玉女佐形二十八宿與吾合并千邪百穢逐水而清急急如律令老君養生經曰晦日浴吉朔日浴吉

千真科曰冬天洗浴每一旬浴先作密室方六尺安水槽火鑪筒渠注湯水入其湯以桃枝栢葉蘭香竹葉等內水中煮取三兩沸乃去滓次加五香然作布籠瀝湯專車以次不得與俗人共浴皆須浴衣不然犯律

盜賊錄第五

夫出家離俗皆須正念真心入道朝真即合防身口意若使心貪一動猶為萬劫沉淪何況竊盜常行當求永失人道也

玄都律曰盜治中及供養之物一文以上皆列考殺賊過五疋考害家一人盜賊不滿文考病七十日奪十二年生命盜符錄職契考殺及黃書章印皆考坐若闕外拾得者不准

盜天官租米五斗以上罪入考殺一斛以上入刑殺罪滅犯考病七十日奪十二年生命劫盜取人物一文以上入刑殺盜一疋以上

入刑殺考千日及殺盜罪輸贖偷一疋輸十疋劫盜皆不得入身同收鬼賊十疋收二疋賊
律曰罪莫大於劫盜強乞取強借強市皆為盜取不以道准盜論

律曰借不還本主貸不償本主皆盜以列上罪借不還主考屬監氣命借貸不還主考屬此律罪滿則凶罪滿則當定八死

律曰盜經書一卷考滿千日奪七年命盜天官祕書所用一卷以上罪入刑割殺律論盜衣服食具刀斧成器之物皆加罪二等毀滅罪一等殺盜語盜考屬監倉令盜香鑪考殺盜罪入刑殺盜書刀奪生命二十年考病二千日盜函奪十年生命考病千日盜筆奪五十年生命考病百日盜墨奪三年生命考病三百日盜紙奪二年生命考病百日盜食器杯飴盤棹壘並雜物奪十二年生命考病二千日盜船車罪入刑殺律本相經云寶集則禍門錢聚則盜錄是故道心勤道不勤實修德不修帛又云賊是人之惡而貪於賊晝夜候

便則射空入陰懸擔他所愛物自作家有得賊露王法斬鬼神入地獄海中抱沙鬼鐵針無休息視之傷人心不學詐來塞法賊罪頗視競共修福德道降入人身欣樂常在又云道士作偷有罪不答曰道士志存法不得

有傾邪佩師無上契存念不得奢施與猶不取況復作偷家刑則受身刑住還北勤枷裡祠不復立上連七世還勸世經云劫盜營身口吞刀入腹內軀軻致衰窮申縮不得暴動止滅身命白骨受塵穢終當獲殃考絕族無苗裔憂念無知子不識禍福會何不修善道建功自竭勵功過足相補延年度厄世積善有慶集積惡有殃害但處一生中心何為自耻敗

玄都律曰傷殺人考屬社平令昇玄經云若未見經法之前或手殺人者當救垂死者一人以贖之於罪既除又得活人之功

玄都律曰許訟田宅忿鬪考屬平氣令也
過谷錄第六
夫欲修身先須避谷貪驥發於六欲過谷

出乎五情動用之慾現於斯矣

玄都律曰人身中常有神隨時上白人善惡過滿百二十為病病者令人多凶少吉百八十過為一耗耗者令人六畜不著一百九十過為一漏漏者令人善致疾病五百三十過為一小凶小凶者令人破胎傷子七百二十過為一大凶大凶者令人無男多女八百二十九過為一殃殃者令人疾疾者令人瘖瘖盲聾千八十過為一禍禍者令人暴夫死亡千二百過為一殘殘者令人出逆亂之人千二百六十過為一咎咎者令人絕嗣無子孫千四百過為一塞塞者殃流於五世千六百二十過為一譎譎者令人斷無後嗣千八百過為一患患者主為奴婢家出內亂千九百八十過為一橫橫者家出癡病狂癡二千六百過為一暴暴者家出兵刃逆死二千三百四十過為一虛虛者家出反逆父子兄弟自相攻伐二千五百二十過為一增增者家出死飢惡病二千七百過為一害害者家出壘至鬼病二千八百過為一災災者家出骨肉

淫劫三千六十過為一暴暴者家出青盲瘖
 殘三千二百四十過為一變變者家出訟刑
 獄死門戶族誅三千四百二十過為一怪怪
 者家出都市乞丐人既死骸棄損三千六百
 過為一病病者滿應定死也妙真經云罪莫
 大於淫禍莫大於貧咎莫大於惜此三者禍
 之卑小則危身大則殘家天下有富貴者三
 貴莫大於無罪樂莫大於樂憂莫大於知
 足知足之為足天道遠之祿不知止足為之
 害及已失之而憂得之而喜夫有排門之禁
 必有折關之咎身死名滅流歸子孫事天以
 德不以慢於人

善功錄第七

夫心性蠢獷便為俗態未除生性和柔當
 知上善若水惡既不作是善行也

洞神經云天老百善者人有十善必生福于
 人有二十善神明護巳人有三十善辟除惡
 鬼人有四十善應死不死人有五十善終身
 無罪人有六十善道君自存人有七十善得
 與五嶽相連人有八十善得脫死名人有九

十善必為神仙人有百善必昇九天本願經
 云學昇仙之道當立千二百善功立功三千
 白日昇天皆濟人應死之難也列記云夫學
 道修行之士廣行陰德慈向萬物救人艱危
 度人厄難理財重道德惠布德不吝財寶故
 乏窮地啓誓真氣虛心跪請太虛具人曰飯
 凡人百人不如飯一善人飯善人千人不如
 飯一學道者老君家今經云道人百行當備
 千善當若雖有九百九十九善一善不滿中
 為利動皆失前功治身關念守戒不廢乃得
 度世也

太上科今云教人改三過可為一勤勸化三
 戶可為一勤濟施路窮孤寡三人亦為一勤
 推讓財帛有瞋不爭滿三亦為一勤憂罪疾
 療治三人可為一勤凡如此等以類求之本
 相經云功滿一萬飛昇太空誦經之士一字
 為一功功滿三千名列上清若能建立宮觀
 壇靖經室齋房廚閣供養道士衣服卧具悉
 以供給如斯之功受報天宮衣食自然須之
 便來不用則去若居家富有更能種福修建

功德此人即從明受記成道若人之惡癡定
 有成道之期亦如嬰兒亦有其老但知修善
 足以成道太平經云惡人入道損敗善人亦
 如拙匠損敗人材木拙女毀人布帛終無成
 善功然惡人與善人反如人健時喫好美食
 大美乃得肥壯若病人食飯苦亦不肯食火
 火困病而死今惡人聞善言勸喻亦如臨死
 人喫美食耳反而為惡若善人見善人乃善
 賢人見賢人乃喜智人見智人乃喜惡人見
 惡人乃善善人見善人乃喜各得其類乃善
 若子不能盡力事父母弟子不能盡力事師
 尊卑不能盡力事君長此三行而不善雖名
 不可除也目經云周窮救危急功德甚廣大
 增集益年壽終身受祿廉又云積善不厭多
 布惠勿吝惜功德感仙真自然書帶籍妙真
 經云不善之人不識元首不觀本根詐天輕
 地罔鬼神屬解變意抱嫌復疑謂之不善
 不善者動與天逆靜與地反言傷人物默而
 害鬼故分道別德散朴澆淳辯言治辭依義
 託仁歆物符驗運以天文廢真立偽務欲傾

國國憲宮之路問志正之機阿主之術以順
國家惟者也昇玄經云修善得善其鬼亦善
作惡得惡其鬼亦惡是故半在吾道當其在
魔地獄論如呼聲莫不應也

度人出家緣第八

夫累世既除俗情亦真捨惡愛而入道脫
樊籠而范真超八度以爲心背十轉而齊
行者也

本際經云大梵國王心自念言我一國土得
三寶力唯當歸敬上報天尊乃選諸王子及
以國中臣人子弟擇其端正第一聰敏有善
心者皆使出家紹隆王法本相經云清和國
王詔度國中男女三千五百人令男居習靈
廟女居七政廟爲國行道樓觀本記云周穆
王尚神仙因尹真人草屨之觀遂石幽逸
人置爲道士以其器均築許德爲物乾故令
修弘道事本相經云范則子與四人同往大
原山中修道三十六年夢見神仙真人項負
圓光無鞅數衆更得六年永無髮鬚四人退
還家則子願在山四人疑恐得道徒有唯見

太清玉碑上兩白鶴因爾而歸至半山而死
化爲猶預鳥三身後生西方兩國中雖有
人形而無人情入云炎明國王有女守好求
年十五發願出家願捨女身生落男形因感
天尊救太光明以照女身女因騰虛白日昇
天女去後父王恩慕即遣神仙宮集靈臺四
周房三師堂又宣詔天下出家

千真科曰男女童子依奉經戒王勅與度作
何法得度後合禮父母以不答曰紹隆種相
係敬護男女入道揀取端正慈憫有道心者

師先戒鍊十行可執聽許誦習王勅與度依
王法制度合度已依一大觀嚴整玄壇施安

闡纂依明真拔罪之法預度男女於壇南依
左右方面以列兩行倚立以度官長正南橫
行須一大洞法師於橫行之前設案席然著

讚歎曰大聖天人尊歷代所崇敬今有珍貴
者是我大國王以發善心故普令入正道得

入正道已實由國王恩永離有爲情長得聖
境界必得大法利同趣證無生讚歎既已白
新度諸師今日之後禮聖禮真離親離俗人

各三禮長與俗別第一禮國王帝主德澤無
盡第二禮州縣官長度脫之恩第三禮存歿
父母得與出家離俗脫拜三禮訖法師提新
度行者一人衣冠曰太哉聖化衣被無窮星
宿爲冠日月爲服法行天道勿替四時廣度
衆生永超三界法師今大衆普皆唱善彈指
三聲脫罪舊人並唱善彈指各三聲訖乃
總著法衣竟官人行者各行道三周舊人在
前引訖登壇歎道事訖設齋齋竟各謝法徒
從老者起至下竟列坐父母兄弟皆來禮拜
於兒女邊父母並稱弟子發願云願師必定
成道與弟子等同入正真

或云出家之人從少至老有何階級答曰出
家之人有五種階級從七歲至十一名蒲車
道士十二至十四名清信道士十五至十九
名施惠道士二十至六十名弘護道士七十
至九十名住持道士

科曰三乘之道何以爲心
答曰小乘之人隱處山林自調自度中乘之
人德澤弘普兼濟度物大乘之人忘功絕私

發四弘誓願

科曰諸勸人出家有何功德答曰能勸他人男女并捨自子出家譬如微塵世界之數功德亦不如勸人捨子等出家之功德縱有人造備盡懸至二清境之功德亦不如勸人出家之功德也

要修科儀戒律鈔卷之十二

要修科儀戒律鈔卷之十三

三洞道士朱法滿編

雜科第一

千真科曰施立法要假能行衆中無知法者不問多少皆悉不得共住共住之人必須

同遵聖教勸止合儀惡悉能斷善共保護如勸惡者事在別律

科曰道法清虛不希名利閑居靜室謂曰仙家我弟子中多貪錢財寶貨牛馬奴婢耽著不已如此之人斷三寶原奪衆生福維持經

奉戒俱為滅法

科曰上德尊人住持大衆下小有過須避嫌疑若有不和於國王妃嬪眷屬大臣宰輔俗人及兒女小道士淨人宿新怨嫌之前並不得呵責若應舉罰先喚來隱處自以示語情所不堪為衆所惡及當白衆舉罰

科曰出家之人務在簡靜非法行事動則落邪非法者一則廣求利養自說我能二則貪積無窮為人婚姻卜相三則強稱多解瞻視天文四則行等淨人躬執耕稼五則開亂朋

衆與惡友交遊六則不以正法為事而與光俗結黨七則坐起無分混淆法次八則不依正律道俗同床九則闇夜出行而不秉炬自照十則擄捕雙陸劫盜行非恣意所為而不自戒入道依衆可以去之如不自懲是壞道法也

科曰諸小道士所詣名德皆須修飾形儀整頓冠履安詳雅步稽首三拜拜訖長跪啟曰某甲小末未備法教故以遠來伏願大德賜垂解結我有所聞必無違逆大德為白衆今有道士某甲從小以來心有結累不能自解今稽首求悔若從生至今行暎行怒行劫行盜行貪行一切不善之行於今解釋不敢復犯進學正戒通明義理說竟謹依所說乃起更三拜而退

科曰亂衆之人多不依正法飲酒醉亂輕欺上下者罰錢及未或餘貨財當時同和後便違拒不肯輸送因茲杖罰或奪財帛以用供衆或苦役治地斬伐草木鋤禾收刈如一衆不能治罰總集道衆文不能治可送與國王